

Nezir (Xhevat) Imeri

(5.07.1977, shqiptar nga Jezerci/Jezero, komuna e Vushtrrisë/Vučitrn, pjesëtar i UÇK-së)

Në datën **6.11.1998**, herët në mëngjes, Hamdiu, Bekteshi dhe Neziri, së bashku me dy ushtarë të tjerë të UÇK-së [Lulzim Ymeri dhe Kujtim Saraqi], po ktheheshin nga Shqipëria. E bartnin me vete një ngarkesë armatimesh për UÇK-në. Në fshatin Krushë të Madhe/Velika Kruša, atyre iu bashkëngjitën Xhelali dhe Selajdini, detyra e të cilëve ishte që ta përcillnin grupin deri në *Drenicë/Drenica*. Udhëtonin me dy automobila. Në hyrje të fshatit **Apterushë/Opteruša**, te vendi i quajtur *Kopshti i Luleve/Cvetna bašta*, kanë rënë në pusi të forcave serbe. Që të gjithë kanë gjetur vdekjen në betejë. Forcat serbe i kanë bartur trupat e tyre në morgun e Prizrenit/Prizren.

Xhelali dhe Selajdini u varrosën në Apterushë/Opteruša, ndërkaq Hamdiu në varrezat e fshatit Stroc/Strovce. Familjarët e kanë varrosur Bekteshin në fshatin Beçuk/Benčuk, ndërsa pas përfundimit të luftës, mbetjet e tij mortore i kanë rivarrosur në Varrezat e Dëshmorëve të Luftës në Dumnicën e Epërme/Gornja Dubnica [komuna e Vushtrrisë/Vučitrn]. Në përvjetorin e vdekjes, mbetjet mortore të Xhelalit dhe Selajdinit u rivarrosën në Varrezat e Dëshmorëve të Luftës në Rahovec/Orahovac.

Burimet: deklarata A.I, FDH-33914; SHF DUÇK, *Feniksët...3*, 51-54; SHF DUÇK, *Feniksët...4*, 47-49; SHF DUÇK, *Feniksët...5*, 247-253, 283-289; J. Martinsen, *Regjistri...*, FDH-26092; KKM KRFJ, *Personat...*, FDH-10832; *Serb Forces Kill Five Albanians in Suhareka Friday*, pasqyra e lajmeve, KIC, 07.11.1998, FDH-30641.
